

## Datganiad i'r wasg

**Dyddiad:** 23 Awst 2006

**Teitl:** MYFYRWYR YN RHOI CANMOLIAETH UCHEL I GYRSIAU  
ADDYSG UWCH

Dangosodd canlyniadau'r Arolwg Myfyrwyr Cenedlaethol (AMC), a ryddheir heddiw, fod rhyw bedwar o bob pump o fyfyrwyr prifysgolion a ymatebodd i'r arolwg yn 2006 yn fodlon â'u cyrsiau addysg uwch.

Darparodd yr arolwg, sydd bellach yn ei ail flwyddyn, giplun o'r sector addysg uwch a gofynnodd i fyfyrwyr yn eu blwyddyn olaf i ymateb i 22 cwestiwn yn ymwneud â'u profiadau dysgu ac addysgu. Roedd yn ymdrin yn bennaf â myfyrwyr addysg uwch yng Nghymru, Lloegr a Gogledd Iwerddon.


Nid yn unig yr oedd, ar y cyfan, welliant yn lefel y bodlonrwydd dros y flwyddyn ddiwethaf mewn ymateb i nifer o gwestiynau, ond nododd myfyrwyr eu bod yn hynod fodlon bod:

- Eu cwrs yn ysgogol ddeallusol (81 y cant yn cytuno'n bendant neu'n bennaf);
- Roedd eu sgiliau cyfathrebu wedi gwella (79 y cant yn cytuno'n bendant neu'n bennaf);
- Roedd y staff yn frwdfrydig ynghylch yr hyn roeddent yn ei wneud (80 y cant yn cytuno'n bendant neu'n bennaf);
- Roeddent yn gallu cysylltu â staff pan roedd angen iddynt (77 y cant yn cytuno'n bendant neu'n bennaf).

Dywedodd Jamie McIndo, Llywydd NUS Cymru:

"Mae NUS Cymru yn croesawu canlyniadau eleni o'r Arolwg Myfyrwyr Cenedlaethol.

"Mae'r arolwg yn rhoi cyfle i fyfyrwyr blwyddyn olaf roi asesiad gonest o'r cwrs iddynt astudio yn ogystal â chynnig gwybodaeth werthfawr i fyfyrwyr y dyfodol.



“Mae’r arolwg o gymorth i ddatblygu perthynas weithio agosach rhwng sefydliadau addysg uwch ac undebau myfyrwyr unigol ac mae’r canlyniadau’n dangos bod myfyrwyr yn awyddus i wneud cyfraniad gweithredol i’r arolwg.”

Dyweddodd yr Athro Phil Gummett, Prif Weithredwr CCAUC:

"Rwy'n falch iawn o weld y dystiolaeth hon gan fyfyrwyr yn uniongyrchol, ac yn annibynnol, sy'n cadarnhau eu lefel uchel iawn o fodlonrwydd ag addysg uwch yng Nghymru."

Dyweddodd Ilefarydd ar ran Addysg Uwch Cymru, sef corff cynrychioliadol Is-Gangellorion a Phenaethiaid yng Nghymru:

“Mae’r canlyniadau hyn yn cadarnhau ymrwymiad parhaus ein sefydliadau addysg uwch i gynnig profiad ansawdd uchel i fyfyrwyr ac mae’n dystiolaeth bellach o’r adenillion sylweddol y mae prifysgolion yn eu gwneud ar fuddsoddiad Llywodraeth y Cynulliad.

“Fodd bynnag, mae buddsoddiad cynaliadwy yn y sector AU yn hanfodol os yw Sefydliadau Addysg Uwch Cymru am barhau i ddenu a chefnogi myfyrwyr lleol a chenedlaethol wrth barhau i fod yn gystadleuol yn fyd-eang.”

Dyweddodd Jane Davidson, Gweinidog Llywodraeth Cynulliad Cymru dros Addysg, Dysgu Gydol Oes a Sgiliau:

"Mae hyn yn newyddion gwych i sefydliadau addysg uwch Cymru.

“Mae’n hanfodol gyda’r cyfundrefnau ffioedd gwersi yn newid ar hyd a lled y DU, gall myfyrwyr fod yn hyderus yn ansawdd uchel yr addysgu a’r profiad cyfan fel myfyriwr y byddant yn ei gael yng Nghymru.

“Rydym am wneud yn siwr mai Sefydliadau Addysg Uwch Cymru yw’r dewis cyntaf i fyfyrwyr o ble bynnag y dônt. Mae rhagoriaeth darpariaeth addysgol yn rhywbeth y mae’n rhaid i ni gyd ymdrechu ar ei gyfer ac mae’r canlyniadau hyn yn profi ein bod yn symud i’r cyfeiriad iawn.”

Bydd canlyniadau llawn ar gael ar wefan Teaching Quality Information, [www.tqi.ac.uk](http://www.tqi.ac.uk), o 12 canol dydd heddiw.

Diwedd

## Cysylltiadau â'r cyfryngau

### CCAUC

Emma Rączka, Rheolwr Cyfathrebiadau - 029 2068 2225.

Dale Hall, Pennaeth Cynllunio a Rheolaeth Gorfforaethol - 029 2068 2280.

## Arolwg Myfyrwyr Cenedlaethol

Cynhaliwyd yr ail AMC yng ngwanwyn 2006 ac ymatebodd 56 y cant o fyfyrwr blwyddyn olaf (gweler nodyn 6). Mae'r canlyniadau'n dangos i dros 30 y cant gytuno'n bendant ac roedd 50 y cant yn cytuno'n bennaf ond yn gyffredinol roeddent yn fodlon ag ansawdd eu cwrs; dim ond 10 y cant oedd yn anghytuno'n bennaf neu'n bendant.

Yn ogystal â rhoi gwybodaeth ddefnyddiol i ddarpar fyfyrwyr, mae data'r AMC yn dangos i brifysgolion a cholegau sut y gallant wella ansawdd profiad y myfyrwyr. Ysgogwyd ystod eang o gymhellion a gwelliannau gan ganlyniadau arolwg y llynedd, gan gynnwys cyfleusterau newydd a chynlluniau cymorth i fyfyrwyr; estynnwyd oriau agor i lyfrgelloedd a gwasanaethau eraill; systemau asesu ac adborth newydd, a gweithdrefnau ymgynghori â myfyrwyr mwy effeithiol.

Gan ymateb i 22 cwestiwn yn yr AMC, yn ymdrin â chwe phrif faes dysgu ac addysgu, nododd yr ymatebion lefelau uchel o fodlonrwydd. Er enghraifft:

- 'Mae'r cwrs yn ddeallusol ysgogol' (81 y cant yn cytuno'n bendant neu'n bennaf)
- 'Mae fy sgiliau cyfathrebu wedi gwella' (79 y cant yn cytuno'n bendant neu'n bennaf)
- 'Mae'r staff yn frwdfrydig ynghylch yr hyn maent yn ei wneud' (80 y cant yn cytuno'n bendant neu'n bennaf)
- 'Rwyf wedi bod yn gallu cysylltu â staff pan fo angen' (77 y cant yn cytuno'n bendant neu'n bennaf).

Roedd y lefel bodlonrwydd yn seiliedig ar ymatebion gan dros 157,000 o fyfyrwyr yn eu blwyddyn olaf (nodyn 6). Mae hyn yn cynrychioli 56 y cant o'r 279,000 o fyfyrwyr cymwys mewn 145 o sefydliadau addysg uwch. Cyflawnodd rhyw 129 o sefydliadau gyfradd dychwelyd uwch na 50 y cant, gyda'r uchaf ar 80 y cant. Wedi'i gynnwys yng nghyfanswm y DU yn fras oedd 11,000 o ymatebwyr yn mynychu sefydliad yng Nghymru.

## Gwefan Gwybodaeth Ansawdd Addysgu

Mae gwefan TQI yn helpu darpar fyfyrwyr i wneud dewisiadau ynghylch beth a ble i astudio. Fe'i lanswyd yn 2005, a bydd gwelliannau diweddar yn gwneud y safle'n haws ei ddefnyddio. Bydd mwy o welliannau mawr yn cael eu gwneud yn 2007, gan gynnwys cysylltiadau agosach gyda gwefan ceisiadau UCAS.

Mae safle TQI yn dod ag ystod o wybodaeth swyddogol, ddiuedd a diweddar at ei gilydd am ansawdd yr addysg a gynigir gan brifysgolion a cholegau, gan gynnwys:

### Ystadegau:

- data ar gymwysterau mynediad myfyrwyr, eu parhad trwy eu hastudiaethau, dyfarniadau a gyflawnwyd a'r mathau o swyddi a geir ar ôl graddio.

### Canlyniadau Arolwg Myfyrwyr Cenedlaethol:

- cyfraddau adborth myfyrwyr ar agweddau allweddol ar eu haddysg, fel cymorth academaidd ac adnoddau dysgu.

### Adroddiadau pwnc:

- adroddiadau a gwybodaeth a gyhoeddir gan bob sefydliad am ansawdd a safonau dyfarniadau mewn pynciau penodol.

Mae'r safle'n darparu'r wybodaeth hon ar gyfer pob pwnc a gynigir gan bob sefydliad, ac mae hefyd yn galluogi defnyddwyr i greu cymariaethau ochr yn ochr ar draws nifer o sefydliadau ar y tro.

## Nodiadau i olygyddion

1. Mae'r canrannau a ddefnyddir yn y datganiad i'r wasg hwn yn ymwneud â myfyrwyr amser llawn. Mae cyfran y myfyrwyr rhan-amser a gymerodd ran yn yr arolwg eleni yn is na'r llynedd sy'n golygu na ellir cymharu cyfanswm y myfyrwyr amser llawn a rhan-amser ar gyfer 2005 a 2006. Fodd bynnag, mae data ar gyfer myfyrwyr rhan-amser ar gael o HEFCE a byddant ar wefan TQI.

2. Mae'r Arolwg Myfyrwyr Cenedlaethol (AMC) yn rhan o wefan y Teaching Quality Information a lanswyd ym mis Medi 2005. Mae'r AMC yn ymwneud â myfyrwyr addysg uwch yng Nghymru, Lloegr a Gogledd Iwerddon. Eleni, mae Prifysgol Caeredin, Prifysgol Glasgow, Prifysgol St Andrews a Phrifysgol annibynnol Buckingham yn cymryd rhan hefyd, fel ag y mae myfyrwyr ar gyrsiâu hyfforddiant cychwynnol i athrawon a ariennir gan yr Asiantaeth Hyfforddi a Datblygu ar gyfer Ysgolion.

3. Cynhaliwyd yr AMC gan Ipsos MORI. Mae'r data ar gael ar wefan TQI a ddatblygir ac a gynhelir gan HERO Ltd.
4. Mae gwefan TQI yn dod â ffynonellau allweddol o wybodaeth swyddogol am ansawdd addysg uwch y DU at ei gilydd. Mae'n rhan o fenter i sicrhau bod mwy o wybodaeth ar gael i ymgeiswyr a'u hymgynghorwyr, a bydd o gymorth i ddarpar fyfyrwyr wneud dewisiadau mwy deallus ynghylch beth a ble maent am astudio.
5. Oherwydd y gwahaniaeth mewn trefniadau sicrhau ansawdd mewn rhannau gwahanol o'r DU, ni chaiff rhai mathau o wybodaeth eu cyhoeddi ar gyfer pob sefydliad.
6. Gwahoddwyd y rhan fwyaf o fyfyrwyr a oedd yn agosáu at ddiwedd cyrsiau israddedig (graddau baglor, tystysgrifau a diplomâu addysg uwch) i gymryd rhan, gan wneud cyfanswm o 279,000 o fyfyrwyr amser llawn a rhan-amser. Hwyrach nad oedd cyfran fach iawn o fyfyrwyr rhan-amser a lenwodd yr arolwg yn eu blwyddyn olaf. Roedd y dewis o fyfyrwyr a wahoddwyd i gymryd rhan yr un fath ar gyfer pob sefydliad, gan ddefnyddio data a gasglwyd yn ganolog gan yr Asiantaeth Ystadegau Addysg Uwch.
7. Ymatebodd myfyrwyr i gwestiynau ar ansawdd yr addysgu ar eu cyrsiau penodol eu hunain. Yna cafodd cyrsiau eu grwpio yn 41 maes pwnc gwahanol er mwyn cyflwyno'r canlyniadau mewn ffordd fwy hygyrch.

### **Cefndir – CCAUC**

Corff Cyhoeddus a Noddir gan y Cynulliad yw Cyngor Cyllido Addysg Uwch Cymru (CCAUC). Fe'i sefydlwyd ym mis Mai 1992 a daeth yn gyfrifol am gyllido addysg uwch yng Nghymru ar 1 Ebrill 1993.

O dan Ddeddf Addysg Bellach ac Uwch 1992, mae'r Cyngor yn gyfrifol am weinyddu'r cyllid a roir gan y Cynulliad i gynnal yr addysg a ddarperir a'r ymchwil a wneir gan sefydliadau addysg uwch a chysiau addysg uwch penodedig a ddarperir mewn sefydliadau addysg bellach.

O dan Ddeddf Addysg 1994, mae'r Cyngor yn gyfrifol am achredu darparwyr hyfforddiant cychwynnol ar gyfer athrawon ysgol ac am gomisiynu ymchwil i wella safonau athrawon a hyfforddiant athrawon.

Yn ogystal â'i gyfrifoldebau cyllido, mae'r Cyngor yn cynghori Cynulliad Cenedlaethol Cymru ar anghenion ariannol, dyheadau a phryderon y sector addysg uwch yng Nghymru.

Cwrt Linden  
Clos Ilex  
Llanisien  
Caerdydd  
CF14 5DZ

Ffôn 029 2076 1861  
Ffacs 029 2076 3163

[www.hefcw.ac.uk](http://www.hefcw.ac.uk)

Cyngor Cyllido Addysg  
Uwch Cymru  
Higher Education Funding  
Council for Wales

hefcw

Noddir gan  
Lywodraeth Cynulliad Cymru  
Sponsored by  
Welsh Assembly Government

